



Justis- og beredskapsdepartementet

Samanslåing av Sogn tingrett og Fjordane tingrett - høyringssvar

Sogn regionråd er samarbeidsorgan for kommunane Aurland, Balestrand, Høyanger, Leikanger, Luster, Lærdal, Sogndal, Vik og Årdal, og har følgjande fråsegn:

Sogn regionråd støttar framlegget om samanslåing av Sogn tingrett og Fjordane tingrett til ein domstol under føresetnad av at Sogndal beheld rettsstaden med rettssal og bemanna kontor. Fagkompetansen må framleis vera i Sogndal og arbeidsplassane på kontoret i Sogndal må vidareførast. Dette vil sikra at innbyggjarane og samarbeidsaktørar ikkje får auka reisetid til dei viktige funksjonane som tingretten utøver.

Realisering av digitale løysingar vil gje betre tenester for brukarane og meir effektive arbeidsmåtar ved domstolane. Framlegget frå departementet viser til at dei to domstolane over tid kan gi visse administrative synergieffektar, særleg med tanke på ei framtidig digitalisering av domstolen. Sogn regionråd set det som ein føresetnad at den samanslegne domstolen i Sogn og Fjordane allereie i denne omgang får prioritet for digitalisering.

Med helsing

Petter Sortland
Leiar i Sogn regionråd

Brevet er elektronisk godkjent og er utan underskrift